

PAPAKILO

Hawaiian Newspapers Collection [Menu](#) ▾

Translate
www.wwhlc.org

Ka Elele Hawaii, Ka Elele / Ka Elele 24 September 1846
/ KO LELEIOHOKU MANO E HOI NUI KO HAWAII POE I HAWAII.

Ka Elele, Volume 2, Number 12, 24 September 1846 — KO LELEIOHOKU MANO E HOI NUI KO HAWAII POE I HAWAII. [ARTICLE]

[Back](#)

KO LELEIOHOKU MANO E HOI NUI KO HAWAII POE I HAWAII.

E Limaikaika e; Aloha oe. E pai iho oe i keia olelo malalo nei iloko o ka Elele Hawaii, no ko'u manao e hoi na kanaka o Hawaii e noho ana ma Honolulu nei a ma na wahi e ae a pau loa; no ka mea, ua hele mai lakou ma kahi kuleana ole, a haalele aku i kahi kuapapanui o ka noho ana, nolaila, nau no e kena aku ia lakou e hoi aku, a nau no e i aku i na'lii i lawe mai i kekahi poe kanaka me lakou e hoi aku i ko lakou wahi, a me kekahi poe e ae i lawe mai i na kanaka o Hawaii me ka ae ole o na Luna a me na Konohiki i ko lakou hele ana a i ko lakou noho loa maanei a hala kekahi mau makahiki. Ua kali na Luna a me na Konohiki i ko lakou hoi aku, a no ka hoi ole aku, nolaila keia kauoha ia oukou e hoi i ko oukou wahi; no ka mea, ua minaminaia kekahi poe o Hawaii e noho ana maanei i ke kumu o ko lakou haalele ana i kela wahi, i ko lakou kuleana a me ko lakou nele i ke kuleana ole. Ua hoole mai ka nui o ka

kou, ahe o lakou kuleana ma Hawaii; kakaikahi ka poe ae he kuleana. O ka poe hoole, ahe kuleana, ua imi ia'ku ke kumu o ko lakou hoole ana, a ua loa he kuleana maoli no ko lakou, aka, he wahahee ka hoole mai.

Ke manao nei au, ina e hooko ia ke koi ana a keia olelo, no ka hoihoi ana i na kanaka a pau o Hawaii i ko lakou mau aina, he mea ia e olioli ai na'lii mea aina ma Hawaii i haalele wale ia ko lakou aina. O ko'u manao o oukou kekahi poe i kokua mai i kaia koi ana i na kanaka o Hawaii e hoi aku, a he mea maikai hoi me ka olioli.

Me ka mahalo.

Honolulu, Sepal, 21, 1846.
W. P. LELEIOHOKU.

This article has been automatically clipped from the Ka Elele 24 September 1846, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).